

HIERONYMUS.

¹ ARUIR, ubi dimicavit Jephthe, est hodieque villa in monte sita vicesimo ab Ælia lapide ad Septentrionem.

² ASÆL, hujus meminit Zacharias Propheta.

³ ASAN, in tribu Juda est usque hodie vicus nobilis Bethasan ad Æliam pertinens in decimo quinto ab ea miliario.

⁴ ASDOD, in sorte tribus Judæ, quæ nunc vocatur Azotus, in qua derelicti sunt Gigantes, qui appellabantur Enakim, & est usque hodie insigne oppidum Palæstina.

EUSEBIUS.

Ἀρουί, ἐνθα ἐπὶ ὁλόμενον Ἰερὸν, καὶ ἔστι καὶ μὴ ἀπὸ σημείων 5. Αἰλίας ἐν τῷ ὄρει πρὸς Ἑρρῶν.

Ἀσέλ, ταύτης Ζαχαρίας μέμνηται.

Ἀσαν, φυλῆς Ἰούδα. καὶ ἔστι νῦν καὶ μὴ Θηβασὰ καλεσμένη ἐν ὁρίοις Αἰλίας πρὸς δυσμὰς ἀπὸ σημείων 15.

Ἀσδὸδ, ἢ καὶ Ἀζωτος, ἐν ἧ κατελεύθησαν οἱ Ενακέιμ, ἢ νῦν ἔστι πάλιν ἐπίσημος τῆς Παλαιστίνης. ἢ δὲ κλήρε φυλῆς Ἰούδα.

EUSEBIUS.

ARUI, ubi dimicavit Jephthe; & est vicus distans Ælia sex milliaribus in monte ad Septentrionem.

ASEL, hujus Zacharias meminit.

ASAN, tribus Juda. Et est nunc vicus qui vocatur Thebasa in finibus Æliæ, ad occidentem in 16. lapide.

AEDOD, quæ & Azotus, in qua comprehensi filii Enacim, quæ nunc est insigne oppidulum Palæstinæ: Fuit autem fortis tribus Juda.

ASEBAIM, 1 Esdræ II. v. 57. Idem locus est (si tamen loci nomen) qui 2 Esdræ VII. v. 59. dicitur Sebaïm: videtur autem locus esse in regione Babylonica; hi enim omnes è Babylonica regione redierant. Dixi autem, si tamen loci nomen est; nam si attendamus textum Hebraicum, potest esse cognomen illius Nathinæi, qui istic proximè nominatus fuerat; vel potius nomen patronymicum plurale ab urbe vel loco, unde hi Babylone recefferant, ita ut loci nomen sit *Seba*, omnes verò illi Nathinæi *Sebaïm*, seu *Sebaïte* à loco dicantur.

⁵ ASECA, in tribu Juda.

⁶ ASEDECH, hanc Esaias Propheta futuram in Ægypto vaticinatur: sciendum autem quod in Hebræo pro hoc nomine scriptum sit עק, quod à siccitate quidam interpretantur in solem: & alii in testam transferunt, volentes vel Heliopolim significari, vel Ostracinem. Sed & hujus rei disputationem, quia longior est, in libris Hebraicarum questionum reperies.

Ἀφακά, φυλῆς Ἰούδα.

APHACA, tribus Juda.

NOTÆ.

1. Idem locus est, qui suprà *Arœr* dictus est, ita enim diserte habetur, Judic. II. v. 33. non modò in Hebræo, nostraque versione, sed etiam nunc in versione Septuaginta, omnibusque eorum Codicibus, ut mirum sit hic scribi *Arui*. Illud item mirum quomodo rursus locum hunc in monte ponat seu Eusebius, seu Hieronymus; sed de ea re suprà diximus. Item illud mirum quod ad Septentrionem Æliæ seu Hierosolymæ ponat, cum potius videatur ad Orientem fuisse, cum Mare Mortuum, atque adeo & Arnon torrens se exonerans in Mare Mortuum, ad cujus ripam sita erat *Arœr*, ad Orientem Hierosolymæ essent. BONFRERIUS.

2. Hanc vocem quasi propriam leges, Zacharia 14. v. 5. in versione Septuaginta Interpretum, quæ est in emendationibus Codicibus; nam quæ in Romano est Codicis *Ased* planè vitiosa est, neque cum Hebræa *Asal* seu *Asal* congruit. Eam vocem Hebræam appellativè cum Symmacho vertit Hieronymus. *proximum*: plerique tamen præter Septuaginta Interpretes nomen quasi loci proprium Hierosolymæ, vel in loco suburbano ejus urbis faciunt, Aquila, Theodotio, Tigurini, Vatablus, Pagninus, & ferè Hebræi, Hebraicèque periti. IDEM.

3. Habes eam attributam tribui Judæ, Jos. 15. v. 42. sed fuisse eandem tribui ablatam datamque Simeonitis colligitur ex ejusdem libri c. 19. v. 7. fuisse Sacerdotalem civitatem indicat liber 1 Paral. c. 6. v. 59. Legimus & lacum *Asan*, 1 Reg. 30. v. 30. de quo infra in BESARAN. Porro *Asan* eandem esse urbem, quæ alibi Jeta vel Jota appellatur, probamus Jos. 21. v. 16. Significat *Asan* fumum. IDEM.

4. Hæc est altera è quinque Philistæorum Satrapiis, quæ in versione nostra semper *Azotus* nuncupatur Ascalone borealior si Adrichomio credimus, mediaque inter omnes quinque Satrapias; sin ordinem sequamur quem Scriptura inter has Satrapias videtur assignare, Jos. 13. v. 3. ubi à Gazæis meridiem versus incipiendo paulatim ad borealiores Satrapias procedit (nam Gazam extremam versus meridiem fuisse constat, Accaronem extremam versus Septentrionem ibi Jos. 13. Scriptura asserit) videtur sequi Azotum proximè Gazam sequi versus Boream procedendo. Fateor hoc de Azoto minimè esse certum, & contra illum Satrapiarum ordinem facere id quod mox ex Josepho subiciam: quocirca nec in tabula mea Chorographica quidquam in hac re mutandum censui. Adde multos præter Adrichomium Azotum Ascalone borealiorem facere, Jacobum de Vitriaco in sua

historia Hierosolym. Jacobum Zieglerum in sua Palæstina, Maginum in sua Palæstina tabula, Marimum item Sanotum in sua Palæstina tabula. Hæc quidem Azotus Jos. 15. attribuitur tribui Judæ, sed Josephus 5. Ant. c. 1. eam cum Accaron & Geth tribui Judæ fuisse avulsam, Danitisque attributam vult, relictis tantummodo tribui Judæ Ascalone & Gaza, quod est satis probabile; alias enim non videtur quomodo fors tribus Dan spatium habuisset terræ sufficiens versus mare ut sese extenderet: quidquid sit satis constat neque tribum Judæ, neque tribum Dan eam possedisse, saltem possessione stabili. De *Enacim Gigantibus ibi derelictis* nusquam, quod sciam, proditur: fuerunt quidem Gigantes apud Philistæos, sed hi non Enacim, sed Raphaim erant, ilque non Azoti, sed in Geth passim habitasse dicuntur. IDEM.

5. Hæc *Azeca* in versione nostra, Jos. 15. & alibi sæpius dicitur. Ad eum usque locum persequente Josue lapidibus grandinis è cælo missis obruti sunt Chananæi, Jos. 10. esse in extremis finibus tribus Judæ in confinio etiam tribus Ephraim colligitur è 1 Reg. 19. v. 22. conjuncto cum 1 Reg. 17. v. 1. IDEM.

6. Hæc vox quasi propria habetur apud Septuaginta Interpretes, Isaia 19. v. 18. *Civitas Asedech* (vel *Asedec*) vocabitur una civitas. Verum cum hæc vox barbara non possit aliunde quàm ex Hebræo esse mutuata, in Hebræo autem habeatur עק *cheres*, quod significat solem; seu עק, *heres*, quod destructionem notat: potest etiam significare pro עק, quæ sunt literæ inter se facile commutabiles; hinc nata diversitas ista translationum, ut alii *civitas solis* verterint, quæ Græcis *Heliopolis* dicitur, Ægypti nominata civitas etiam in Scriptura, quæ alibi עק *On* appellatur, de qua & nos egimus, Gen. 41. v. 45. & infra de ea in voce *Heliopolis* agetur; alii verò *civitas testæ*, vel *testamentum*, reddiderint, quæ est altera in Ægypto vel in ejus confiniis civitas ab hujusmodi testis, vel ariditate instar testarum dicta *Ostracine*: de qua & nos nonnulla, Judic. 1. v. 35. alii & quidem plurimi illud verterunt *civitas destructionis*; in plurimis enim Hebræis Codd. legitur עק *heres*. Hieronymus in Isaia *Civitas solis* vertit. IDEM.

7. Κατελεύθησαν] Mendum est typographicum, nam in Codice Regio est κατελήθησαν, hoc est, comprehensæ sunt, ut habet Bonfrerius. Sed rectius legit Hieronymus κατελήθησαν, relictæ sunt, Librariusque temerè τὸ Η & τὸ Εἰ ἰonos miscuit, ut sæpe factum. CLEMENS.

D

1. Quod